

SUMMUM BONUM SAPIENTIS,

MORS

Cujus effigiem

In

Exequiis solennibus

Magnifici, Nobilissimi, Amplissimi

atque Consultissimi Domini

D O M I N I

JOHANNIS

CZIMMERMANII.

Civitatis Regiæ Thorunensis Præ-Consulis

Longe meritissimi,

Anno M D CCXII. die XXIV Novembr.


pte denati,

Et d IV. Decembr. ad D. Mariæ Ædem

solenni ritu contumulati,

Adumbrare voluit

Petrus Dzikowski, *Thorun.*



Ich ruhe sanft und selig.



T H O R U N I I,

Impressit JOHANNES NICOLAI, NOBIL, SENAT, ET GYMN, Typographus

Quot capita, tot sensus.
Epicureorum sententia,
quibus anima, ne corpora putrescant, salis instar est,
Voluptates & delicias corporis
SUMMUM BONUM
esse deprædicat.

Ede, bibe, lude, post mortem nulla voluptas.

Aut
quibus gula est regula,
dum voluptatum imperium æquo patuerit animo.
non hominum, sed belluarum formam induunt.

Alii
Auri argentique numerosam multitudinem
pro SUMMO BONO colunt,

&
veluti Iasones
Aureis velleribus assidue inhiant:

Sed
quid prodest insatiabilis hæc avaritia?
quam ut

Auri custodes servatores argenti
Securitate careant, nesciant quietem,
& cum

Desit securitas, quies percat,
pœna ditiores sint, quam censu.

Qui *Fortunam*
Titulo SUMMI BONI condecorarunt,
ambitiosi *Glorie Famaeque* captatores,
Felicitatem suam

e præclare gestis a se facinoribus
æternam usque perennitatem credere,
nimium quoque tumidi

Divinis sese honoribus mactari gestiverunt:
Hi sane

Elati sunt in altum, ut lapsu graviori ruerent;
Non enim

tam firma & constans fuit *Fortuna*
Pompeji & Cæsaris,

quin eo celeriori impetu ac improvise
invictos olim sibi æmulos prostraverit.

Nec Divinus ille,
ut haberi voluit, JOVIS Hammonis filius
Alexander M.

immortalitatem suam perpetuo celare potuit,
unico veneni haustu extinctus.

Propius accedere videntur,
qui Aristotelis sectati doctrinam,
per VIRTUTIS semitam

ad SUMMAM pervenire FELICITATEM
student:

Hæc enim
inter duo extrema,

tanquam inter
Scyllam & Charybdin,

in medio posita,

Navigantibus in vasto hujus vitæ Oceano
iter est tutissimum.
Verum
cum, juxta Socratis sententiam,
ea demum vera sit *Felicitas*,

quæ nullis amplius est obnoxia mutationibus.

Quis dubitaverit?

MORTEM

SUMMUM esse SAPIENTIS BONUM.

Ut enim

Nec VIRTUTEM ipsam

Ullus hominum integram unquam nactus est,

Sic omnia,

quæ in hac vita imperfecta,

MORS

ad summam trahit perfectionem.

Quin &

Magnificum, Nobilissimum Amplissimum atque Consultissimum
DOMINUM

Dn. JOANNEM CZIMMERMANNUM,

Inclytæ Civitatis Thorunensis, Præ Consulē meritissimum,

d. XXIV. Novembris

in sua resolutum initia,

Animam cœlestem cœlo reddere,

Corpus vero terrestrē, Terræ Matri omnium,

Concedendum relinquere fecerit.

Non defuit quidem

VIRO NOBILISSIMO

dum viveret, & sua *Voluptas*;

Meditatione enim assidua rerum sublimium occupatus,

in ea tandem pervenit curricula,

in quibus infiniti DEI impressa sunt vestigia.

Non defuerunt *Divitiæ*,

Dives enim *Sapientia* & *Consilio*,

Reipublicæ Patriæ

innumeros persequit census.

Et *Fortuna* adjuvante

adeo felices in omnibus fecit progressus,

ut tandem

Fama & *Gloria*,

Virtutis redhostimentum,

merito IPSUM maneat.

Sed in his omnibus

Veram Felicitatem, minime assequi potuit,

acideo

ruptis hujus imperfectionis vinculis,

Spretis hujus Mundi fragilibus,

Voluptate, *Divitiis*, *Fortuna*, *Gloria*,

Sola cum *Virtute*

ad SUMMUM SUMMI BONI fastigium elatus est,

Quisquis igitur es,

Neminem ante obitum beatum esse noveris

Si invides, imiteris,

Si probes, mireris.

Sin minus probaveris,

Nunquam Felicem te fore, sciveris.

•••••

Vita caduca vale, *salve* Mors optima rerum,
Salve blanda quies, Vita caduca Vale.
 Non me fallacis tenuit lascivia mundi,
 Non ditis gazæ pervigil anxietas:
 Non honor insignis rapido delebilis ævo,
 Soli Virtuti in Morte corona manet.
 Mors fera, dura, vale, *salve* dulcissima Vita,
Salve sancta Salus Mors fera, dura vale.
 Longa dies fessam peperit tristemque senectam,
 Nunc mihi post mœstam splendida Vita reedit.
 Longa dies multos cumulavit sæpe labores,
 Nunc mihi restituit languida membra quies.
 Longa dies memoris subduxit mentis acumen,
 Ast nunc ingenio stat sine morte decus.
 Vivite felices, quibus est fortuna peracta,
 Aspirat velis aura secunda meis.
 Felix, cui vultu ridet Libitina sereno,
 Felix, quem SUMMA FELICITATE beat.

Honoris & observantia ergo
 Img. apposuit

Stanislaus Henricus Dzikowski, Thor.

